



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Sulpici[i] Severi Presbyteri Opera Omnia**

**Sulpicius <Severus>**

**Amstelodami, 1665**

Daniel leonibus objectus à Rege Dario.

**urn:nbn:de:hbz:466:1-11490**

6<sup>1</sup> stultitia regum omnium, qui sibi divina vindicant. Igitur Daniel non rudis, neque inscius, Deo preces, non homini, de-  
 7 ferendas, reus constituitur, <sup>2</sup> edicto regis non paruisse. Mul-  
 tumque abnuente Dario, cui charus acceptusque semper  
 fuerat, principes pervicere, <sup>3</sup> ut in lacum demitteretur.  
 8 Sed <sup>4</sup> objecto bestiis, nullum periculum fuit. Quod quum  
 9 Rex comperisset, accusatores <sup>5</sup> deputari leonibus præcepit,  
 10 qui non simili exemplo perfuncti sunt. Nam continuo <sup>6</sup> de-  
 vorati, ferarum famem expleverunt. Daniel clarus ante,  
 11 clarior haberi cœpit. Rex antiquato edicto suo, novum  
 proposuit: relictis erroribus ac superstitionibus, <sup>7</sup> Deum  
 Danielis

*Jurandasque tuum per nomen ponimus  
 aras.*

1 *Stultitia Regum omnium.]* Vere dictum. Omnis Idololatria hinc orta. Et in Nebucadnezare, Alexandro Magno, Romanisque Imperatoribus, tristitia hujus stultitiæ experimenta habemus. *Horn.*

2 *Edicto Regis non paruisse.]* Quod erat secundum morem Medorum & Persarum, ne à Rege quidem mutabile. Nam Babylonii morem talem faciendi leges, etiam Regi immutabiles, non habebant, sed antiquus admodum apud Medos ac Persas fuit. *Ethera* 1. 19. Vide & *Procopium περὶ λήθης φρεσίν.* Videtur autem forma quæ leges faciebat immutabiles hæc fuisse, ut non Regis tantum, sed & Principum signis munitentur. *Grot.*

3 *Ut in lacum demitteretur.]* Græci vocant τὸ λάκκον τῶν λέοντων, quod in eo leones asservantur. *Drus.*

4 *Objecto bestiis nullum periculum fuit.]* Quod miraculo factum. Nam Angelus conclusit orationem, & rictum, ait Hieron. & unguet. Feris homines objicere verus mos. Ostendunt id fabulis mixta historia de Andromeda & Diomede Thraciæ. *Grot.* Josephus refert eos causam contulisse in saturitatem leonum. At Rex offensus eorum malitia, jussit multum carnum objici leonibus, & illis jam

saturatis inimicos Danielis in foveam conjici. Tum demum apparuit vatem ope divina esse servatum. Nam nemini ex iis pepererunt, sed non secus ac si fuissent famelici, & alimentis caruissent, eos sine mora dilacerarunt. Verum nihil tale habet Scriptura. Unde videtur Josephus more suo, suæ gentis historiam, narratione, si non vera, verisimili saltem, exornare voluisse. *Maldon.*

5 *Deputari.]* Delegari, assignari: unde deputati. Verbum minus usitatum hoc sensu Latinis autoribus, eo tamen usus fuit & supra: Quæ turba in illis servitio, exercendis colendisque agris, ne incultum esset solum, deputata. *Drus.*

6 *Devorati ferarum famem expleverunt.]* Cum uxoribus & liberis, qui participes sævi consilii. *Grot.*

7 *Deum Danielis colendum.]* Hinc videtur Darius vere ad Deum fuisse conversus; plus enim præcepit quam Nebucadnezar. Ille enim tantum vetuit ne quis Deum Judæorum blasphemaret. *Maldon.* Non bene *Grotius: Tremiscant & pavescant Deum Danielis,* id est, maledicant. Plus enim verba illa, venerationem nimirum & cultum, important. *Horn.* Ο βασιλεὺς Δαρῖος καὶ ἄλλοι ἐπέμψεν τὴν χάριον ἑπαίνων τῷ θεῷ, ὃν Δανιὴλ ἐστὶν κωὲ καὶ μόνον αὐτὸν λέγων εἶναι ἀληθῆ καὶ τὸ πᾶν κατὰ ἐξουσίαν. *Joseph.*

1 Extant

Danielis colendum. <sup>1</sup> Extant etiam visiones ejus quibus <sup>12</sup> <sup>2</sup> consequentium sæculorum ordinem revelavit, <sup>3</sup> annorum etiam numerum complexus, <sup>4</sup> intra quem Christum, sicut factum est, descensurum ad terras pronuntiavit, <sup>5</sup> venturumque Antichristum, manifeste exposuit. Quod si quis <sup>13</sup> studiosior erit, rectius ibi quæsitum reperiet: nobis propositum est, rerum tantum ordinem contexere.

X. Darius <sup>6</sup> duodeviginti annos regnasse traditur. Qua <sup>1</sup> tempe-

<sup>1</sup> Extant etiam visiones ejus.] Dan. 7. v. 8. 9. 10. Quæ quia variis temporibus contingere, cogitur retrosum ire & repetere tempora quæ in historia jam erat prætervectus. Grotius. Notat autem Josephus, Danielelem, cum apud Darium florentissima gratia esset, turrim miri operis apud Ecbatana Mediæ struxisse, *Ἰερόσολομοί δὲ ἐν τῇ βασιλείᾳ τῆς τε Μηδῶν βασιλείᾳ, καὶ παρθῶν ἀρχῆς ἔδου-  
ρον, ἔτι πρῶτον περὶ τοῦ Ἰερούσολομοῦ ἐστὶν ἱερὸς, καὶ τὸ ἔργον γίνεται* μέ-  
χρῃ ἂν σήμερον ἡμέρας.

<sup>2</sup> Consequentium seculorum ordinem.] Regnorum sive monarchiarum seriem. Sunt autem visiones ejus in universum decem. Drus. Aperuit autem ei Deus futura, per somnium, afflatum atque visa divina. Grot.

<sup>3</sup> Annorum etiam numerum complexus.] Daniel. cap. 9. vs. 26. post hebdomadas sexaginta duas excidetur Messias *וְיָמֵי מָשִׁיחַ*, & non propter se, id est, *וְיָמֵי מָשִׁיחַ* culpa sua, aut ob peccata sua. Sunt qui mali-ant, & non erit, ut *וְיָמֵי מָשִׁיחַ* redundet in Latio. Sed tum potius dixisset, meo iudicio, *וְיָמֵי מָשִׁיחַ* & non ipse, ut Gen. v. Ambulavit Henoch cum Deo, & non fuit. Alii aliter. Drus. lxx. annorum hebdomades annos faciunt cccc xc. Initium earum ab anno primo Cyri. Theodor. Aut sexto Darii cum templum stru-ctum, aut vicesimo Artaxerxis Longi- mani, cum urbs instaurata. Finis vero aut in baptismo Christi, aut in cruce, aut in templi eversione. Vide Augustin. xviii. Civitat. Dei xxxiv. & Chro- nolog.

<sup>4</sup> Intra quem Christum.] Judæi illa Danielis loca non de Christo, sed templo accipiunt. R. Salomo. & alii, citante Galatino xi. de arcanis fidei xiv. Contra alii: in fine harum hebdomadum lxx. venturum Messiam: ut R. Moses Gerundensis & alii, citati ibidem Galatino. Cæterum controversia hæc de lxx. septimanis & adventu Messie intricatissima est apud Chronologos. De qua vide inter alios Tirinum, & Calvin.

<sup>5</sup> Venturumque Antichristum.] Dan. cap. vii. vs. 24. & 25. ad quem locum Hieron. Antichristus in tantam erigetur superbiam ut leges Dei & ceremonias mutare conetur, & elevetur supra omne quod dicitur Deus, religionem cunctam suæ sub- jectam potestati. Theodoretus sive Theodoritus, decem reges circa finem exurgent, & postremus Antichristus exorietur, regnumque obtinere contendet, ac tres illos evertet. Nec contentus victoria, quam de hominibus retulerit, etiam maledicta contra Deum altissimum conjiciet & sanctos supplicio afficiet & putabit se posse pietatem, quæ tunc vigilat, evertere & repub. commutare. Drus.

<sup>6</sup> Duodeviginti.] Id est, octodecim. Alii enim duntaxat annum regnasse tradunt, alii septemdecim, in quibus Josephus Scaliger. Vide quæ scripsit heros ille, in De temporum emendatione, pag. 280. Patrem habuit Assuerum, qui ab aliis Xerxes Medus & Axares vocatur, & pleniore vocabulo Cyaxares, addita videlicet syllaba Cu, quæ in ea lingua dynastiam aut principem denotat. Drus.